

شرح آيات الجزء الرابع | اللقاء (40) | #ختمة_تعارف | د.

حازم شومان

حازم شومان

للله وكفى صلاة وسلاما على عباده الذين اصطفى. اللهم لك الحمد كله و لك الملك كله و بيدك الخير كله. واليک يرجع الامر كله. اللهم صل على عبدك نبیک محمد صلی الله علیه وسلم. في الاولین والآخرين والملا الاعلى الى يوم الدين. اما بعد. اخوانی واحبابی في الله. يعني ایه الفكرة؟ آآ آ قضية ان احنا - 00:00:00

حضر الجزء قضية ان احنا نحضر الجزء اللي هيقرأ في صلاة التراویح. قضية ان انت تقرأ القرآن او تسمع القرآن وانت فاهمه. غير ان الواحد يسمع القرآن او يقرأ القرآن - 00:00:24

هو مش فاهم القرآن بيتكلم عن ایه. فرق مهول يا اخوانی فرق مهول ان انت تسمع القرآن وانت فاهمه او تسمع القرآن وانت ما انتاش عارف الایات بتتكلم عن ایه - 00:00:34

يعني دایما نتكلم عن صحبة القرآن. انا صاحبک القرآن. يا سلام! لو الواحد بیقى من اصحاب القرآن ونتكلم عن اهل القرآن. اهل القرآن هم اهل الله هو خصته بس مش ده الترتیب المنطقی في العلاقات البشرية. اول حاجة في العلاقات البشرية ان انا باشوفك كده فنبدأ نتكلم مع بعض فنبدأ نتعرّف على بعض - 00:00:44

بیقى فيه تعارف بعد التعارف اما بعرف صفاتك بابداً اتشد لك. فبینبقي اصحاب بیقى بینا صحبة تلاقينا احنا اللاتین رایحین مع بعض جایین مع بعض. اول ما افرح اتصل بك اول ما ازعل اتصل بك. بقت صحبة. بعد كده آآ اتجوزت اختك اتجوزت اختي بقینا اهل. بیقى الاول - 00:01:04

يا جماعة في حاجة اسمها تعارف بعد كده في حاجة اسمها صحبوية او صحبة بعد كده في حاجة اسمها بقینا اهل. فواحد يقول لك عایزین بقى من اهل القرآن. طب انت - 00:01:24

اول صاحبة القرآن لأ. بیقى الاول لازم تبقى من اصحاب القرآن. سورة ثلاثین ایة شفعت لصاحبها اللي هي سورة الملك. مش شفعت لقارئها شفعت لصاحبها. طب عشان تبقى من اصحاب القرآن و بیقى القرآن معك لیل نهار. لازم الاول تعرف ایه هو القرآن. هو ده اللي احنا بنحاول نعمله - 00:01:34

اخوتي ختم التعارف ان احنا نتعرّف على القرآن. نعرف الجزء الرابع اللي هيتقري في التراویح الليلة بازن الله. الجزء الرابع ده بيتكلم عن ایه كل الطعام كان حلا لبني اسرائیل. وبعد كده ربنا يقول لك جعل الله الكعبة البيت الحرام قیاما للناس. وبعد كده يا ایها الذين امنوا ان تطیعوا فریقکم - 00:01:54

من الذين اوتوا الكتاب يردوکم بعد ایمانکم کافرین. بعد كده تلاقی نفسك دخلت في ایات غزوة احد و اذ غدوت من اهلك تبون المؤمنین مقاعد للقتال بعد كده تلاقی ایات عن التدبر في الكون ان في خلق السماوات والارض واختلاف اللیل والنهار لایات. ایه العلاقة ما بين الكلام ده کله وبعده؟ ایه - 00:02:14

ترابط ما بين الایات دي كلها وبعضاها عایزین نقرأ واحنا بنستشعر هذه المعانی. عایزین نسمع في صلاة التراویح واحنا بنستشعر هذه المعانی. عشان بازن الله سبحانه وتعالی يعني هنقدر نخرج من رمضان وكان آآ آ كان رسول الله عليه الصلاة والسلام اجود الناس وكان اجود ما يكون في رمضان حين يأتيه جبریل - 00:02:34

فيدارسه القرآن. مش فيقرنه القرآن فيدارسه القرآن. يعني رمضان شهر مدارسة القرآن كل سنة المسلمين يقرروا القرآن في رمضان ويخرجوا من رمضان يقلوا المصحف وان شاء الله معادنا مع المصحف السنة الجاية. لأن هو قرأ القرآن بلا فهم. انما الرسول عليه الصلاة والسلام الحديث بتاعه - 00:02:54

يأتيه جبريل في رمضان فيدارسه القرآن. يبقى رمضان شهر مدارسة القرآن شهر ان احنا نفهم القرآن. ان احنا نقرب من معاني القرآن. ليه عشان نخرج من رمضان مرتبطين بالقرآن نفتحه الحداشر شهر الباقيين. لحد ما رمضان اللي جاي بييجي. انما للأسف كل سنة رمضان بييجي - 00:03:14

مين يفتحوا المصحف؟ هرسمها هرسمها قعد يقرأ هو مش عارف هو بيقرأ ايه. قعد يقرأ وخلاص. يخلص رمضان هو ما ارتبطش بالقرآن وما فهمش اعجاز القرآن وما فهمش عظمة القرآن عشان كده احنا عايزين يعني يعني نبدأ نتدبر بقى في المعاني. ايه الجزء الرابع؟ او يعني احنا النهاردة هنتكلم عن - 00:03:34

اية تحديدا يا جماعة عن ميت اية من اول اية مية لحد ايمتين في ال عمران. من اول اية يا ايها الذين امنوا ان تطيعوا فريقا من الذين اتوا الكتاب يردوكم بعد ايمانكم كافرين. ايات في غاية الخطورة. المسلمين قاعدين يقرروا وهم ايه قاعدين يحلموا في - 00:03:54

صلوة التراويح كده وقاعدين يسمعوها وایات بتدي خط سير في الحياة وبتحل مشاكل الامة الخطيرة اللي وصلت لها. ولكن للأسف الشديد يعني ايه يعني نخلص القرآن بقى بالنسبة لنا الحرف بعشر حسنت. بس. انما ان القرآن مصدر للحياة ومصدر لحل مشاكل الحياة. ان القرآن بقى - 00:04:14

الطريق بتعرفنا ازاي نخرج من كل مشكلة دي ما عادتش علاقتنا بالقرآن. القرآن عداد حسنت بس ماشي وخلاص سواء بقلب غافل او بقلب ايه غير غافل. يبقى هناخد ميت اية النهاردة بازن الله يا اخوانى - 00:04:34

من اول قول الله يا ايها الذين امنوا ان تطيعوا فريق من الذين اتوا الكتاب يردوكم بعد ايمانكم كافرين. ربنا بيكلم الصحابة بيكلم ابو بكر وعمر وسلمان وعمار بيقول لهم هيكتفوكم. هيخرجوكم من دينكم هيحولوكم لکفرة لو خدتو - 00:04:49

الطريق منهم. لو خدتو خط السير بتاع الامة منهم هيكتفوكم. الناس دي اخطر مما تتخيلوا. الناس دي اخطر مما تتتصوره. ولكن مين اللي بيسمع؟ مين اللي القرآن ده بالنسبة له مرجعية؟ طيب يبقى هنبدأ من اول الاية ديت لحد قول الله يا ايها الذين امنوا اصبروا وصابرها ورابطوا واتقوا الله لعلكم - 00:05:09

الاية رقم متين. اخر اية في ال عمران. المية اية دول يا جماعة بيتكلموا عن ايه؟ يعني يعني بعض ملامح طبعا لان صعب ان احنا نستقصي المعاني اللي في الجزء كلها ولكن بعض ملامح وكل واحد مننا بقى ايه يعيش مع اية اية في صلاة التراويح بازن الله او هو بيحضر جزء تلاوة قبل صلاة التراويح - 00:05:29

النهاردة. المفروض هيقرأ الجزء الرابع النهاردة بالليل. اقرأه انت بعد العصر. افتح المصحف واقرأه انت ليه؟ حضر الجزء. يعني زمان واحنا طلبة في اعدادي مسلا ولا في سانوي كان يقول لك ان اشطر طالب الطالب اللي بيقرأ الكتاب قبل ما يحضر الحصة. فهو حتى لو فهم نص فهمي. لما بييجي يحضر الحصة - 00:05:49

يبقى في غاية الانتباه. ويبقى اشطر واحد في الحصة كلها ليه؟ لانه محضر. فكان الطالب المحضر ده الاساتذة كلهم بيحبوه جدا. الوقتي لو انت محضر الجزء اللي هيتدى في - 00:06:09

هتفرق معك فرق السما من السما اللي فوقها. هتفرق معك فرق رهيب. انك قاري الجزء اللي هيتدى قبل ما اه اه قبل ما تسمعه في ويبقى صلاة التراويح كأنها امتحان بقى. تشفف بقى انت قربت من القرآن بعد. زدت النهاردة عشرة في المية خشوعا امبارح. زدت عشرين في المية خشوع. تبدأ تجني ثمرة التعب بتاعك - 00:06:19

يبقى الشوط الاول اللي هنتكلم عنه يا ايها الذين امنوا ان تطيعوا فريقا من الذين اتوا الكتاب يردوكم بعد ايمانكم كافرين. الشوط الثاني ايات غزوة احد النص الثاني اه من شوال ايات هزيمة احد في سورة ال عمران. واذ غدوت من اهلك تبوء المؤمنين مقاعد -

القتال ربنا هيقص علينا الوقت قصة غزوة احد. طب ايات غزوة احد ديت نزلت لمين للصحابة؟ طب نزلت للصحابة مش دول اللي عاشوا غزوة احد؟ اه. يعني اللي ربنا هيقوله ده الصحابة عاشرو كله اه امال ربنا بيقولوا للصحابة تاني ليه؟ طب ما انا خلاص انا عشت الغزوة هو ربنا بيحكى لي ايه؟ غزوة احد بعد ما عشتها - 00:06:59

ال عمران تاني ليه؟ وبيحكى لي غزوة بدر بعد ما عشتها في سورة الانفال تاني ليه؟ وبيحكى لي غزوة الاحزاب بعد ما عشتها في سورة الاحزاب تاني ليه؟ ده انا اللي عشت الاحداس دي كلها اصلا. هو يعني ربنا لا النظرة البشرية للاحداس غير النزرة القرآنية - 00:07:19

الايات نازلة بقى تقول لي ده انت كنت صح. اقتدوا بفلان. وانت كنت غلط. او عى تعمل كده تاني. والسبب في النصر كان كذا. والسبب في الهزيمة كان كذا التعليق الرباني على الاحداس بحيس ان احنا نشوف الصورة صح بعد الاحداس وبعد كده الشوط الختامي والنهاي آآآ - 00:07:39

آآ وهو آآ ان في خلق السماوات والارض واختلاف الليل والنهار لايات لاولي الالباب. حاجة من اعجب ما تكون. الجيش راجع من هزيمة احد سبعين واحد مقتولين وممثل بجثتهم وسبعين واحد مجريحين اصابات خطيرة اثرت على كثير منهم مدى الحياة في آآآ في نواحي الحياة - 00:07:59

مختلفة والايات اللي نازلة بعد غزوة احد تدبر في خلق الله وتدبر في السماوات والارض. هو احنا في ايه ولا في ايه؟ هو احنا في الجو ده هنبعص في السما ونقول سبحان الله! ايه المعنى وايه الرسالة المطلوبة؟ الجزء الاولاني يا اخوانى سريعا. ان تطיעوا فريق من الذين اوتوا الكتاب يردوكم بعد ايمانكم كافرين - 00:08:19

ايه اللي بيحصل هنا يا جماعة؟ قلنا امبارح ان سورة ال عمران معركتين. معركة الشبهات انه يولع الدنيا على الامة في الشبهات. تلقيت موضع الحادية وموضع ربوبيين على النت وموضع تنصير وشوبات ضد اللي سامع النت وكل اهل الباطل ما بيحاربوش غير في الاسلام. يعني ما تلقيش الملحدين مسلا - 00:08:39

كانوا قاعدين يحاربوا في ايه؟ المعارك ما بين الباطل والباطل سهلة يا اخوانا. انما كله عارف ان القوة الحقيقة في الاسلام. فكله ما بيحارب غير الاسلام. معركة الشبهات الاول اللي هي آآ معركة نصارى نجران وشبهات نصارى نجران في النص الاولاني من ال عمران. ان الله اصطفى ادم ونوح والابراهيم - 00:08:59

وال عمران على العالمين. وربنا حكى قصة سيدنا عيسى بقى في الرد على شبهات نصارى نجران. النص الثاني معركة السيف اللي هي اه اه يعني قول الله سبحانه وتعالى واد غدوات من اهلك تموء المؤمنين مقاعد للقتال. دايما اهل الباطل بيحاربونا بالشبهات قبل ما يحاربونا بالسيف. لا - 00:09:19

يحاول يقتل الامة زي ما عمل في العراق مسلا قبل الاول ما يدمر عقيدة الامة وعقيدة شباب الامة قبل ما يفصل الناس عن عقيدتهم بعد كده لما بيجي يضرب بالطيارات وانا احارب ليه؟ وانا اقاوم ليه؟ وانا اضحي بحياتي ليه - 00:09:39

ما نزع العقيدة من القلوب بالشبهات يقدر ان هو يضرب بقى بالسيف من غير ما حد يواجهه. بيقى ازا ال عمران معركة هدم الاسلام. كيف الاسلام من اجل ان يهدموه. فربنا جايب لنا الشوط ده وشدة النجاة من اهل الباطل. روشتة النجاة. اسمع بقى الروشتة وقيس على اللي بيحول دلوقتي. اسمع بقى - 00:09:59

اية من روشتة النجاة للامة من معركة الشبهات ومعركة السييف. وشف اللي بيحصل دلوقتي في الامة قريب من الكلام ده ولا بعيد عنها. اول اية يا ايهما الذين امنوا ان تطيعوا فريقا من الذين اوتوا الكتاب يردوكم بعد ايمانكم كافرين. يا نهار ابيض! ده احنا مصدر التلقي - 00:10:19

بناء الامة الوقتي وهو الكلام بناء الغرب. والباحث بناء الغرب. اللي يعني جت فترة كان اللي عايز يعرف الاخبار يا يفتح منتقال له يفتح تل ابيب يا يفتح اي ازاعة اجنبية عشان يعرف الاخبار منها. دلوقتي اللي سافر برة وتلقى الفكر من برة هو ده الوقت اللي

يعني ربنا بيقول ان تطيعوا فريقا من الذين اتوا الكتاب يردوكم بعد ايمانكم كافرين. الناس دي منشنة على العقيدة بتاعتهم. اومال الحل ايه يا رب وكيف تكفرون؟ ازاي هيطلع شباب ملحد في الامة الاسلامية؟ وكيف تكفرون؟ ازاي هيطلع شباب يقول لك ربنا موجود بس ربنا ما لوش دعوة بنا. ربوبين في - 00:10:59

الامة الاسلامية وكيف تكفرون؟ ازاي هيطلع شباب يسيب دينه ويتبين اديان اخرى في الامة الاسلامية؟ وكيف تكفرون؟ ازاي هيطلع شباب يقول ربنا ما لوش حكم علينا. والشريعة الاسلامية غير ملزمة في الامة الاسلامية. وكيف تكفرون وانتم تتلى عليكم ايات الله اللي - 00:11:19

الارتباط بالقرآن وفيكم رسوله. الارتباط بالسنة. ومن يعتصم بالله فقد ودي الى الصراط المستقيم. يبقى اول ايتين بيقولوا لك ان ان مصدر تلقي لو بقى هو الغرب هيودوكوا في مصيبة هيكرفوك. هيكرفوك وانتم مش حاسين. امال مصدر الطلاق القرآني والسنة؟ يعني المفروض ان - 00:11:39

اعلام التعليم والدولة تجند من اجل توصيل القرآن والسنة للناس. هو ده اللي بيحصل دلوقتي يا جماعة؟ الوقت مصدر طلاقنا والقرآن السنة يا ايها الذين امنوا اتقوا الله حق تقاته. خافوا من ربنا. خليكم امة بتخاف من ربنا. ولا تموتن الا وانتم مسلمون - 00:11:59

يعني ايه ولا تموتن الا وانتم مسلمون؟ يعني الكلمة دي معناها ايه؟ يعني طب ما انا مسلم لأ الموضع مش كده يا اخواننا. زي ما اب يقول لابنه اوعي تموت يا ابني - 00:12:19

لو انت دكتور في الجامعة او عي تموت بمعناها ايه؟ الوقت الواد يموت نفسه في السانوية العامة. بعد كده يقتل نفسه في الكلية اللي هيدخلها ليل نهار في المذاكرة. بعد - 00:12:29

كده لما يتعين معيد في الجامعة يموت نفسه في الماجستير. بعد كده يموت نفسه في الدكتوراه. بقى دكتور في الجامعة. يبقى انا نفزت وصية ابويابا قبل ما اموت. يبقى اوعي تموت اللي - 00:12:39

لو انت دكتور في الجامعة ده مش معناه ان انا هجيب ورقة واكتب على باب الشقة دكتور في الجامعة. ده معناه ان ده طريق لازم احصله. اوعي تموت الا وانت معك مليون جنيه - 00:12:49

ان انا هجتهد عشان احصله. ولا تموتن الا وانت مسلمون. اوعوا تموتوا الا وانت مسلمين لربنا في كل حاجة. في اخلاقكم. احنا مسلمين اللي ربنا في اخلاقنا مسلمين لربنا في ايمانكم وعقيدتكم. احنا مسلمين لربنا في عقائدهنا. مسلمين لربنا في عباداتكم. مسلمين لربنا في - 00:12:59

ولادكم لبعض في معاملتك لمراتك في معاملتك لجيرانك وقرابيك. في معاملتك لكل حد في الحياة. احنا مسلمين لربنا. يا ايها الذين امنوا اتقوا الله حق تقاته ونحن في عصر الجرأة على الله. الامة الاسلامية لم تعصي الله في تاريخها مثلما عصي الله في ارض - 00:13:19

الامة الاسلامية في هزا الزمان ربنا ما عصيشه في زمن في الامة الاسلامية مسل هزا الزمن. شف الوقت الفجور في انتهاك حرمات الله. شف درجة الفجور في القنوات الفضائية والفرجة عليها قنوات الفاسدة في الواقع النت الفاسدة ومعدلات الدخول عليها في هذه الامة في معدلات التبرج - 00:13:39

في معدلات الكواهيرات الحريمي في عدد البنوك الريوية اللي بقت موجودة في كل شارع. في التهاون باوامر ربنا وحدود ربنا. فربنا دول خافوا من ربنا. خليكم امة بتخاف من ربنا. يا ايها الذين امنوا اتقوا الله حق تقاته. ولا تموتن الا وانت مسلمون - 00:13:59

خلي عندكم هدف. هدف ان انت تتحققوا معنى الاسلام الحقيقي لله. معنى التسليم لله. واعتصموا بحبل الله جمیعا. ولا تفرقوا. خليكم واحدة حطوا ايدكم في ايد بعض. دلوقتي اللهم لك الحمد مين اللي ايده في ايد الثاني؟ مين الدولة الاسلامية اللي ايدها في ايد

الدولة الاسلامية الثانية؟ مين الدولة العربية اللي ايدها في ايد الدولة العربية الثانية - 00:14:19

فين الوحدة ما بين ابناء الصف الاسلامي اصلا واعتصموا بحبل الله جمیعا ولا تفرقوا. امريكا اليو اس ایه اسمها اصلا الولايات المتحدة الامريكية خمسين دولة امريكا دي خمسين دولة اصلا ما لهمش دعوة ببعض. خمسين دولة حطوا ایدهم في ايد بعض وعملوا الولايات المتحدة الامريكية. يعني - 00:14:39

اهل الكفر عرف ان ما لهمش قيمة غير لما يحطوا ایدهم في ايد بعض. واحنا ما احناش عارفين الكلام ده. ما احناش عارفين سيدنا موسى لما رجع يعاتب هارون قال له - 00:14:59

اني خشيت ان تقول فرقت فكر الانبياء. كيف نوصل الحق للامة ونحن نحافظ على وحدة الامة؟ فكر الانبياء. واعتصموا بحبل الله جمیعا ولا تفرقوا. يعني قضية الوحدة ولتكن منكم امة يدعون الى الخير ويأمرون بالمعروف وينهون عن المنكر - 00:15:09
دايمها يعني ايه في ناس بتهرب من الاية ديت؟ يقول لك ولتكن منكم امة يعني شيلوا ناس جزء منكم كده المجموعة دي دي هتأمر بالمعروف وتنهي عن المنكر وبباقي الناس بقى ت Shawf دنيتها وتشوف حالها. بس ربنا ما قالش كده. ربنا بيقول ولتكن منكم امة يدعون الى الخير. ويأمرون بالمعروف وينهون عن المنكر - 00:15:29

اولئك هم المفلحون. هم دول اللي هيفوزوا. الله! يبقى معناها دول اللي هيفوزوا بس. والباقي كله يخسر؟ قال لها امال يعني ايه؟ ولتكن منكم زي ما امسك ايدك كده واقول لك ليكن منك رجلا. خليك راجل مش معناه اقطع حته منك وخلبها راجل. وبباقي جسمك بقى شف هتعمل به ايه. معناها - 00:15:49

لك راجل ولتكن منكم امة يعني خليكم امة يدعون الى الخير. ويأمرون بالمعروف وينهون عن المنكر واولئك هم المفلحون اللي مش هي عمل كده مش هي فلخ اصلا. اللي مش هي شتغل في الدعوة الى الله. مش هي نفع اصلا. اللي مش هي قوم بواجب الدعوة الى الله. اللي مش هي أمر بالمعروف وينهون عن - 00:16:09

عن المنكر. ده ده من العهود اللي النبي عليه الصلاة والسلام عاهد الانصار عليها عشان يرضى انه يروح المدينة المنورة. قال لهم وعلى الامر معروف والنهي عن المنكر. تباعوني ان انت مش هتشوفوا منكر الا وتكلموا صاحبه. الا وتنهوا عن هذا المنكر. تباعوني على ده عشان ارضي - 00:16:29

انما اجي المدينة المنورة معكم. واربط مستقبل الاسلام بالمدينة المنورة. تباعوني على هذا الاول. طيب اعتصموا بحبل الله جمیعا الوحدة جت قبل يدعون الى الخير. قبل الدعوة. ربنا اتكلم عن الوحدة قبل الدعوة ليه؟ ما هو يا اخواننا خلونا نشتغل في الدعوة خمس تلاف سنة. بس واحنا امة - 00:16:49

واحنا صف ممزق مش هنجيب اي نتيجة. مش هنجيب اي نتيجة لازم الاول نبقى ايد واحدة في الدعوة الى الله. انما مش واحد بيبني ووراه خمس تلاف واحد بيهد هي عمل ايه؟ لازم الامة تتوحد على هزا الفكر. القضية مش قضية بطولات فردية. ده فيه الداعية الاسلامي - 00:17:09

ده فيه اخ نشيط في الدعوة الى الله. يا اخوانا الموضوع مش عنتريات. الموضوع ان ما فيش امم بتبني تبني الا بفكر جماعي يعني احنا دلوقتي عايشين في بلد يعني بالتعبير كده امعائنا في الشارع. مصارينها في الشارع. احنا عايشين في دولة كل حاجة فيها بايطة. كان عندنا مرض في الطب زمان في - 00:17:29

الجراحة واحنا طلبة كان مرض الاماء بتتنفس جوة البطن وبيحصل فيها مشاكل يعني. فالجراح بيفتح البطن عشان يتعالج الاماء. فاول ما بيفتح البطن الاماء بتقوم ناطة برة البطن. الاماء بتقوم طالعة. الاماء اصلا مضغوطه جوة البطن. فيحاول انه يلمها ويحطها - 00:17:49

جوة البطن تاني ما عدش ينفع ان هو يقدر يرجعها. ليه؟ هي اصلا كانت متلصمة جنب بعضها جوة البطن. اول ما فتح جدار البطن طلعت برة. فكان من المراد اللي الواحد يعني ايه يقرأه ويتعجب. هو فيه كده لحد ما الواحد شاف اوضاع مصر دلوقتي عاملة زي كده بلد امعائنا طلعت برة وما حدش عارف يدخلها. ما حدش عارف يتعامل - 00:18:09

معها يبقى. طب الحل ايه؟ الحل مش ان فلان يصلح او فلان يحل. الحل ان الناس كلها لازم تبقى مسؤولة عن تغيير الواقع ده. والا لا يمكن حد هيقدر يغير حاجة. يبقى اذا تغيير الامم تحتاج توجه جماعي. قيادة الامم تحتاج توجه جماعي - 00:18:29
انما ان يبقى في حد شغال في الدين وحد فتح موقع قذر وواحد فتح قناة فاجرة هنعمل ايه ما فيش الكلام ده يا اخواننا ما فيش امة هتقوم كده الامم بتقوم لما كل ابناءها يبقى لهم خط سير واحد. وكلهم بيبيروا في اتجاه واحد. انما ده بيبني وده بيهد. وده بيرفع وده - 00:18:49

كيف ترتفع هذه الامة؟ عشان كده الواحدة قبل الدعوة الى الله ليه؟ لازم الامة تتوحد على الفكر ده. لازم ده يبقى فكر المجتمع المصري عشان المجتمع المصري ينجو عشان يقدر يطلع. ولا تكونوا كالذين تفرقوا واختلفوا. من بعد ما جاءهم البينات واولئك لهم عذاب - 00:19:09

عظيم ايه ده! احنا طول عمرنا بنحسب ان الزنا هو اللي لهم عذاب عظيم. ان بتوع المخدرات هم اللي لهم عذاب عظيم. ان الترابيبيين هم اللي لهم عذاب عظيم. انما ربنا بيقول ولا تكونوا كالذين تفرقوا واختلفوا هو ان احنا مختلف ونتفرق. ده كبيرة من الكبائر اللي - 00:19:29

استوجب العذاب العظيم ان احنا نفهم ان التفرق ده جريمة من الجرائم في حق دين الله. لأن اللي بيضيع في النهاية هو الدين. يوم تبيض وجوه وتسد بوجوه. فاما الذين اسودت وجوههم اكفرتم بعد ايمانكم. واما الذين ابيضت وجوههم ففي رحمة الله هم فيها. خالدون ايه ابيضت - 00:19:49

اسود ده قد يوم القيمة. طب احنا دلوقتي بنتكلم عن دستور الوحدة في الامة. احنا ما لنا بالجنة والنار الوقتي. احنا دلوقتي بنتكلم عن قيادة امة. انا ما لي بالجنة والنار. يا اخوانا - 00:20:09

والله والله لو ادنا والله لو جبنا خمسين مليون منهج عشان نصلح بلادنا من غير ما الناس مرتبط بالدار الاخرة ما في حاجة هتتصلح. تعالوا شوفوا الوقتي شركات الادوية. شوفوا الرشاوي اللي الاطباء بيأخذوها من شركات الادوية. طب تعال - 00:20:19
او ف تعال شف الغش في المواد بتاعة الادوية نفسها. طب تعال شف اللي متباهاه عند موزفين كتير جدا لا اما رشوة يا اما مش هيهمش لك حاجة. طب تعال شف هو احنا بنعمل ايه؟ يا ابني انت بتعمل ايه؟ القضايا مش كده - 00:20:39

مبيعات بيدخل على الدكتور يقول له الدواء ده بيحب المفعول الفلاني يقول له مفعول مين يا حبيبي؟ انت جاي تترسم علي هتطلعوني رحلة تركية اكتب لكم خمسين مرة في اليوم الدواء بتاعكم ده ولا ما انتمش مطلعين رحلة تركية؟ يعني ايه؟ انا ومراتي وولادي. هتجيبيوا لي عزومة على عشاء في محل - 00:20:59

الصباحي انا ومراتي وولادي بالف الفين جنيه ولا ما انتوش هتعشوني؟ الموضوع ما يا اخواننا طبعا مش كل كده انما انا باقول عن زاهرة منتشرة فيها اخواننا تصور ان فيه اصلاح من غير ما ضمير الناس يتصلح احنا بنحل. احنا عايشين في المريخ. تصور ان الاصلاح - 00:21:19

هو قوانين احنا عندنا قوانين في مصر تطلعنا للقمر بكرة. احنا عندنا قوانين تطلعنا مجرة التبانة بعد بكرة. الموضوع مش قوانين. الموضوع الضمير اللي هيطبق القانون. فبدون ارتباط بالدار الاخرة انس. بدون ما الناس - 00:21:39
ترجع لربنا والله لو جبنا اعزم قوانين العالم بدون الارتباط بالدار الاخرة. يبقى اذا من روشتة الانقاد للامة الارتباط دار الاخرة الشحن الایماني. اي واحد مننا لو سافر في اي بلد لا يمكن ينسى شاحن المحمول ابدا. ليه؟ لأن المحمول هيحصل لو ما شحنوش - 00:21:59
بالذبيط كده شاحن المحمول بتاع قلبك هو ارتباطك بالجنة والنار. شاحن بتاع قلبك ارتباطك بالدروس الایمانية. ارتباطك بمحالس الایمان ارتباطك بصحبة الایمان في بيت الایمان هو ده والا انسى. والا ما فيش حد هيقدر يكمل ولا يواصل. كنتم خير امة اخرجت للناس - 00:22:19

يا سيدني يا سيدني. طبعا دي من الایات اللي العلمانيين بيترىقوا علينا. يقول لك خير امة اخرجت للناس ازاي يعني؟ فين اللي خير امة؟ ما هو اما تقرأ باقي الاية - 00:22:39

هو انت الوقتي جايب اول الاية ما تقرأ الشروط اللي ربنا قالها عشان نبقى خير امة ايه؟ كنتم خير امة ايه اخرجت اخر جت مش
قعدت تشفوف الدنيا بقاعدتها ويلاكمش تطلع اخر جت احنا امة اخر جت - 00:22:49

ان نخرج الى العالم من اجل ان نغير العالم وان نصلح العالم. مش كل واحد عنده فدائيين قاعد جنبهم واللي عنده بهيمتين قاعد جنبهم
واللي عنده قاعد جنبهم واللي عنده عيلين قاعد جنبهم كنتم خير امة اخر جت. لما ده بيقى فكر الام اصلا ان احنا امة
صاحب رسالة - 00:23:07

واحد حزين لما كان بيسمع بيل كلينتون يقول انتا نؤمن ان صورة امريكا هي الصورة التي يجب ان ينسخ العالم كله عليها انتا نؤمن
ان صورتنا هي الصورة الكاملة التي يجب ان يصبح العالم كله على مثل صورتنا. واحد - 00:23:27

مؤمن بالمنهج بتاعه. وبيقول لك لازم الدنيا كلها تتخرط على الموديل الامريكي. لازم الدنيا كلها. المفروض يا اخوانا دي رسالتنا احنا.
الدنيا كلها تتخرط على الموديل الاسلامي ولكنهم ناس صاحبة احنا ناس صاحبة. كنتم خير امة اخر جت للناس. تأمرون بالمعروف.
ده اول شرط. وتنهون - 00:23:47

عن المنكرها وتومنون بالله. الله! طب هو الایمان بالله الاعلى ولا الامر بالمعروف والنهي عن المنكر؟ الایمان بالله اعلى. امال ربنا ربنا
جابه في الاخر ليه؟ تأمرون بالمعروف وتنهون عن المنكر وتومنون بالله. ما هو اصل خير امة ديت طب ما اليهود امنوا بالله. طب ما
النصارى امنوا بالله. هو هو - 00:24:07

الایمان بالله ما الامم السابقة امنت وعملت بطولات من اجل التضحية من اجل الله. هي القضية مش قضية الایمان بس. قضية
الايجابية في الواقع تأمرون بالمعروف وتنهون عن المنكر. ان بيقى عندك قضية انك تشيل دينك وانك انت تنصر دينك ساعتها كنتم
خير امة اخر جت للناس هذه الایيات من اشد الایيات ايلاما - 00:24:27

على القلب لما الواحد بيجي في صلاة التراويح كده ويسمع الایيات ديت كل سنةها وقعد يسمع ولتكن منكم امة يدعون الى الخير
ويأمرون بالمعروف. واحد قلبه كده يتقسم نصين. الشاشة تتقسم نصين. نص فيه الاية. ونص منظر شوارعنا. ومنظر نواديينا. ومنظر -
00:24:47

قنواتنا ومنزرو مواقعننا ومنزرو نسائنا وبناتنا ومنزرو الواحد يبص ربنا ارادنا ان احنا نبقى ايه وللاسف احنا ايه الواحد بيحزن يا اخواني.
سبحان الله! بيقى اذا ده آآآ يعني ده الجزء الاول يعني طبعا خد معزم - 00:25:07

لكلام الجزء الاولاني اللي هو روشتة الانقاذ. او ده جزء من روشتة الانقاذ. احنا مش بنتكلم كلام تفصيلي. لأن ما فيش مجال للوقت ان
احنا نتكلم كلام تفصيلي. ولكن احنا - 00:25:27

دلوتي بنحاول نعمل ايه؟ عارفين لما بيقى فيه نجوم في السما فواحد يقول لواحد شايف النجمة اللي هناك ديت؟ هو عمر ايده ما
هتجيب النجمة. عمري ما هاجيب نجمة بابدي. ولكن احنا اللي نملك عليه ان احنا نشاور على معاني القرآن. زي ما واحد واقف على
الارض وبيشاور على نجوم السما. لمجرد ان القلوب - 00:25:37

تب تلتفت لهذه النجوم بس ان احنا نبدأ بقى نتعامل مع القرآن هزا التعامل مش الحرف بعشر حسنات وعدي اقلب يا عم انا ختمت
القرآن ان شاء الله التلات مرات في رمضان هو مش عارف اصلا لو قلت له اكتر اية بكتاتك ايه يقول لك ايه اكتر اية حسيت بها ايه ها
اكتر اية انت بتقول ايه يا عم انا ختمت الحمد لله - 00:25:57

يعني دلوتي مش قضية اه قضية ان انا دلوتي باخد حسنات كتير. الله! طب وانت مرة كنا في المسجد في الاعتكاف وشاف من
الشباب كان معنا وقاعد اقرنا القرآن بيقول انا جه كده آآآ قال لي انا خلصت خمس تجزاء قرآن الوقتي. قلت له انت حسيت فيهم بابيه؟
فهمت منهم ايه؟ قال لي لأننا باخلص كتير واحد حسنات كتير. قلت له - 00:26:17

اية واحدة تفهمها تغير لك حياتك. اية واحدة بس تقرأها صح وتحس بها وتعيش معها كده وتكررها كذا مرة وتعرضها على قلبك.
هتستفاد منها حياتك اكتر من ان انا اقرنا خمس تجزاء وانا مش فاهم انا قريت ايه اصلا! ولا مركز في حاجة. قال لي لأن المهم جا له
مشوار بعدها خرج من الاعتكاف عشان المشوار رجع - 00:26:37

ويعطاء مش عارف اغض بصري. من فتن في الشارع ايه التبرج في الشارع؟ قلت له يا ابني انت لو اية واحدة من خمس تجزاء اللي
انت كنت قريتهم كانت دخلت قلبك - 00:26:57

كنت غضيـت بـصرـك لـو الشـارـع كانـ فيهـ اـيهـ ؟ اـنـماـ القـضـيـةـ اـحـنـاـ بـنـتـعـاـمـلـ مـعـ الـقـرـآنـ كـهـ. كـهـ يـعـنـيـ يـعـنـيـ قـرـاـيـةـ الـجـرـاـيـدـ بـنـرـكـزـ فـيـهـ اـكـتـرـ
مـنـ قـرـاءـةـ قـرـآنـ عـاـيـزـيـنـ نـتـعـاـمـلـ مـعـ الـقـرـآنـ انـ دـهـ بـالـزـبـطـ بـالـزـبـطـ زـيـ وـاـحـدـ وـقـعـ فـيـ صـحـراـ وـتـاهـ وـبـيـمـوـتـ. وـبـعـدـ كـهـ الـمـلـكـ بـعـتـ لـهـ خـرـوفـ
- 00:27:07

لـلـخـرـوجـ مـنـ الصـحـراءـ الـمـهـلـكـةـ. بـيـتـعـاـمـلـ مـعـ الـخـرـيـطـةـ دـيـ اـزـايـ ؟ خـارـطـةـ الـطـرـيـقـ لـلـخـرـوجـ دـيـتـ. بـيـتـعـاـمـلـ اـنـ دـيـتـ نـجـاـتـهـ الـوـحـيـدـةـ. هـوـ دـهـ
الـقـرـآنـ يـاـ جـمـاعـةـ اـحـنـاـ فـيـ صـحـراءـ الـدـنـيـاـ الـمـهـلـكـةـ. وـرـبـنـاـ نـزـلـ لـنـاـ خـرـيـطـةـ النـجـاـتـ فـيـ الـقـرـآنـ. فـاـنـاـ مـشـ بـتـلـقـيـ كـلـامـ وـخـلـاـصـ عـشـانـ تـعـبـ بـدـوـنـ
فـهـمـ. اـنـاـ لـاـ - 00:27:27

لـازـمـ اـفـهـمـ الـاـيـةـ وـالـاـ فـاـنـاـ بـاـهـرـ. وـالـاـ فـاـنـاـ بـاـهـرـ. لـوـ بـيـلـ جـيـتـسـ الـفـ كـتـابـ كـيـفـ تـصـبـحـ مـلـيـارـدـيـرـ فـيـ سـنـةـ وـاـحـدـةـ؟ مـاـ فـيـشـ وـلـاـ وـقـتـ وـاـحـدـ
فـيـ الـاـمـةـ الـعـرـبـيـةـ مـشـ هـيـشـتـرـيـهـ لـيـهـ ؟ بـيـلـ جـيـتـسـ اـغـنـىـ مـلـيـارـدـيـرـ فـيـ الـعـالـمـ. بـيـقـيـ لـازـمـ اـنـ اـنـاـ الـرـاجـلـ دـهـ عـنـدـ خـبـرـةـ فـيـ الـلـيـ هـوـ بـيـتـكـلـمـ
فـيـهـ. طـبـ رـبـنـاـ مـنـزـلـ لـكـ كـتـابـ كـيـفـ تـصـبـحـ - 00:27:47

عـيـدـاـ فـيـ الـدـنـيـاـ وـالـاـخـرـةـ. كـيـفـ تـحـلـ كـلـ مـشـاـكـلـ دـيـنـكـ وـدـنـيـتـكـ وـاـخـرـتـكـ؟ اـزـايـ؟ رـبـنـاـ مـنـزـلـ لـكـ خـرـيـطـةـ طـرـيـقـ بـنـقـرـاـهـ
اـزـايـ بـنـرـكـزـ فـيـهـ اـزـايـ؟ الـجـزـءـ الـتـانـيـ وـاـذـ غـدـوـتـ مـنـ اـهـلـكـ تـبـوـءـ الـمـؤـمـنـيـنـ مـقـاـعـدـ لـلـقـتـالـ وـالـلـهـ سـمـيـعـ عـلـيـمـ. وـاـذـ غـدـوـتـ - 00:28:07
مـنـ اـهـلـكـ تـبـوـءـ الـمـؤـمـنـيـنـ مـقـاـعـدـ الـقـتـالـ وـالـلـهـ سـمـيـعـ عـلـيـمـ. اـيـاتـ هـزـيـمـةـ اـحـدـ. سـتـيـنـ اـيـةـ رـبـنـاـ بـيـكـلـمـ
الـصـحـابـةـ بـعـدـ مـاـ رـجـعـوـاـ مـنـ هـزـيـمـةـ اـحـدـ. وـنـفـوـسـهـمـ مـتـحـطـمـةـ وـقـلـوـبـهـمـ مـكـسـوـرـةـ. رـبـنـاـ بـيـقـولـ لـهـ الـلـيـ حـصـلـ دـهـ حـصـلـ لـيـهـ؟ اـنـتـ اـتـهـزـمـتـوـاـ
لـيـهـ - 00:28:27

هـزـيـمـةـ اـحـدـ كـانـتـ نـصـرـ لـلـسـنـةـ. لـانـ هـزـيـمـةـ اـحـدـ كـانـتـ بـسـبـبـ مـخـالـفـةـ اـمـرـ مـنـ اوـامـرـ النـبـيـ عـلـيـهـ الـصـلـاـةـ وـالـسـلـاـمـ. فـسـاعـتـهـاـ زـمـنـةـ بـسـ السـنـةـ
اـنـتـصـرـتـ لـانـ اـحـنـاـ عـرـفـنـاـ اـنـ يـسـبـبـ سـنـةـ وـاـحـدـةـ خـالـفـاـهـاـ مـمـكـنـ نـتـهـزـمـ فـيـ مـعـرـكـةـ كـامـلـةـ. فـيـ حـيـنـ اـنـ مـرـاتـ جـيـشـ
الـمـسـلـمـ مـحـاـصـرـ بـلـدـ مـنـ - 00:28:47

لـبـ وـاـتـأـخـرـ الـفـتـحـ قـالـوـ يـقـيـنـاـ فـيـ حـاجـةـ مـنـ اوـامـرـ الـدـيـنـ اـحـنـاـ مـكـسـرـيـنـهـاـ فـيـ حـيـاتـنـاـ عـشـانـ كـدـهـ اـتـأـخـرـ الـفـتـحـ نـاسـ فـاـهـمـةـ قـالـوـ اـيـهـ لـقـواـ
الـسـوـاـكـ. الـجـيـشـ كـلـهـ مـاـ بـيـسـتـعـمـلـشـ السـوـاـكـ. جـابـوـاـ قـطـعـوـاـ اـغـصـانـ شـجـرـ وـبـرـقـوـاـ يـسـتـعـمـلـوـاـ السـوـاـكـ. الـاـعـدـاءـ شـافـوـهـمـ قـالـوـ دـهـ بـيـسـنـوـاـ
سـنـانـهـمـ عـشـانـ يـاـكـلـوـنـاـ. هـرـبـوـاـ وـسـابـوـاـ - 00:29:07

بـتـاعـةـ الـحـصـنـ بـتـاعـهـمـ. يـعـنـيـ بـسـبـبـ سـنـةـ وـاـحـدـةـ اـتـطـبـقـتـ اـنـتـصـرـنـاـ فـيـ مـعـرـكـةـ. وـهـنـاـ بـسـبـبـ سـنـةـ وـاـحـدـةـ اـتـكـسـرـتـ لـمـاـ النـبـيـ قـالـ لـلـرـمـاـةـ مـاـ
تـنـزـلـوـشـ وـنـزـلـوـاـ اـتـهـزـمـنـاـ فـيـ مـعـرـكـةـ يـعـنـيـ السـنـةـ دـيـ مـوـضـوـعـ خـطـيـرـ يـاـ جـمـاعـةـ. الـاـرـتـيـاطـ بـالـسـنـةـ دـهـ مـوـضـوـعـ كـبـيرـ اوـيـ. اـنـ اـحـنـاـ تـبـقـيـ اـمـةـ
اـنـمـاـ يـعـنـيـ الـفـرـقـ بـيـنـاـ وـبـيـنـ الـصـحـابـةـ - 00:29:27

اـنـ الصـحـابـةـ كـانـوـاـ يـقـولـ لـكـ دـيـ سـنـةـ. وـاـحـنـاـ نـقـولـ دـيـ سـنـةـ. يـعـنـيـ الـصـحـابـةـ كـلـمـةـ سـنـةـ دـيـ مـعـنـاـهـ كـارـسـةـ. دـهـ سـنـةـ اـنـ اـزـايـ تـكـسـرـهـاـ؟ اـبـنـ
مـسـعـودـ يـقـولـ عـلـىـ صـلـاـةـ الـجـمـاعـةـ اـنـهـ سـنـةـ نـبـيـكـمـ. هـوـ مـشـ قـصـدـهـ اـنـهـ سـنـةـ يـعـنـيـ عـكـسـ الـفـرـضـ يـعـنـيـ الـلـيـ عـاـيـزـ يـعـمـلـهـ
- 00:29:47

اـعـمـلـهـاـ وـالـلـيـ مـشـ عـاـيـزـ يـعـمـلـهـاـ. قـصـدـهـ سـنـةـ كـلـمـةـ عـزـيـمـةـ. اـنـمـاـ اـحـنـاـ هـيـ دـيـ سـنـةـ الـفـرـضـ. يـاـ عـمـ دـهـ سـنـةـ. خـلـاـصـ بـقـىـ يـعـنـيـ مـاـ تـقـومـشـ
الـدـنـيـاـ عـشـانـهـاـ. مـشـ قـادـرـيـنـ نـدـرـكـ مـدـ خـطـوـرـةـ - 00:30:07

كـلـمـةـ سـنـةـ وـاـذـ غـدـوـتـ مـنـ اـهـلـكـ تـبـوـءـ الـمـؤـمـنـيـنـ مـقـاـعـدـ لـلـقـتـالـ. وـالـلـهـ سـمـيـعـ عـلـيـمـ اـهـ يـعـنـيـ اـحـنـاـ بـنـلـعـبـ فـيـ دـقـاـيقـ الـوقـتـيـ يـعـنـيـ الـواـحـدـ
مـشـ عـارـفـ يـعـنـيـ هـنـقـفـ عـلـىـ اـيـهـ اوـ هـنـعـمـلـ اـيـهـ مـوـضـوـعـ صـعـبـ جـداـ يـعـنـيـ - 00:30:17

وـاـذـ غـدـوـتـ مـنـ اـهـلـكـ. طـبـعـاـ كـانـ مـمـكـنـ رـبـنـاـ يـقـولـ لـهـ اـذـ غـدـوـتـ تـبـوـءـ الـمـؤـمـنـيـنـ مـقـاـعـدـ. اـنـمـاـ اـيـهـ مـنـ اـهـلـكـ دـيـ! يـعـنـيـ رـبـنـاـ بـيـقـولـ وـاـذـ خـرـجـتـ
لـلـجـيـشـ مـنـ بـيـتـ اـيـشـاـ بـنـتـ اـبـيـ بـكـرـ مـسـلـاـ اوـ مـنـ بـيـتـ حـفـصـةـ بـنـتـ عـمـ اوـ مـنـ بـيـتـ جـوـهـرـيـةـ بـنـتـ الـحـارـثـ تـبـوـءـ الـمـؤـمـنـيـنـ طـبـ اـيـهـ لـاـزـمـةـ
اـنـ يـتـجـابـ كـلـمـةـ بـيـتـ النـبـيـ عـلـيـهـ الـصـلـاـةـ وـالـسـلـاـمـ - 00:30:36

يا اخوانا مش هنقدر نخرج للجهاد والاسر بتاعتنا متصدعة. ما فيش حد هيقدر ينجح في دينه والبيت بتاعه متصدع ومنهار مش هيمنفع. عشان كده في سورة البقرة امبارح بقى او اول امبارح لأن امبارح كمان في سورة البقرة - 00:30:56 لما ربنا اتكلم عن ايات الطلاق وايات الاسرة الطلاق مرتان فامساك بمعرفه. وللمطلقات متاع المعروف. بعدها ربنا قال ايه ؟ الم ترى الى الذين خرجوا من ديارهم وهم الوف حذر الموت فقال لهم الله موتوا. الوف امة بالالوف وطالعين يجروا وسايبين بلادهم. اول ما جه - 00:31:16

عليها ليه ؟ خايفين احسن يموتوا معناها ايه ؟ ان الاسرة لو بازت ما فيش رجاله هتتعرف تطلع تقاتل اصلا. عشان كده الجهاد او القتال جه بعد ايات الاسرة سورة البقرة لأن لو الاسرة بايزة ما فيش جهاد هيقوم. عشان كده بعد البقرة وال عمران كان المتوقع بعد سورة البقرة وسورة ال عمران - 00:31:36

البقرة اللي بتتكلم عن بناء الدولة ال عمران اللي بتتكلم عن كيف لا تهدم الدولة وو كان متوقع بعدها يبقى صورة الرجال مش صورة النساء ليه ؟ لأن الحاجات دي بصوا يا رجاله عشان تطبق عايزين نبني الرجاله بقى. انما تفاجأ ان بعدها سورة النساء. ليه ؟ لأن النساء هم اللي هيربوا الرجاله اللي هيطبقوا الباك - 00:31:56

وال عمران الاسرة يا اخوانا. الاسرة الاسر المتصدعة في المجتمع بتاعنا الوقتي. واذ غدوات من اهلك. يعني ربنا سبحانه وتعالى بيقول لك من ان اووعي تفتكر انك هتقدر تنطلق في الواقع وتبقى صاحب رسالة وتغير والاسر بتاعتنا متصدعة. عشان كده اللي ييجي يختار لازم - 00:32:16

صاحب جوازه اللي تختار زوج لها لازم تختار صاحب جوازها. اللي يختار لبنته. ان الله يأمركم ان تؤدوا الامانة الى اهلهما. ما تختارش لبنتك حسب موديل العصير قبائل وقفت قدام بيتك. ولا على حسب الشهادة بتاعة اللي جاي تقدم لبنتك. ولا اختيار الاول على حسب الدين والأخلاق. اختيار الاول - 00:32:36

الزوجة على حسب الدين اختياري لها يعني ان احنا نختار صح يا اخوانا. لأن الاسرة لو بازت خلاص البيت ده ارض بور مش هتطلع خير. مش هتطلع اصحاب رسالة. مش هتطلع ناس يشيلوا القضية. واذ غدوات من اهلك تبوء المؤمنين مقاعدا للقتال. والله سميم عليم - 00:32:56

اذ همت طائفتان منكم ان تفشل. الايات دي ايات هزيمة احد. فربنا بيتكلم عن ايات هزيمة احد. نفاجأ ان اول اية بتتكلم عن احد واذ غدوات من اهل كتبوا المؤمنين مقاعدا. الاية دي حصلت في بدر ما حصلت في احد. الاية ديت حصلت في غزوة بدر. ده ربنا الاول بيذكروا بنصر بدر - 00:33:16

بعد هزيمة احد. يعني تخيل كده احنا طالعين بعد معركة تزننا لها البيان بقى الحاكم جاي يتكلم عن الهزيمة اول حاجة اتكلم عنها اللي حصل قبل الهزيمة. المعركة اللي اوعوا تفتكروا اوعوا تنسوا ان احنا انتصرنا عليهم قبل كده. اوعوا تنسوا ان انا نصرتكم عليهم قبل كده. ولقد - 00:33:36

نصركم الله بدر وانتم اذلة. افتكروا افتكروا انتم في احد الف افتكروا في بدر لما كنتم تلتمي واحد عن المشركين قدكم تلات مرات ونص. افتكروا في بدر وانتم اذلة ان انا نسبتكم احسن. تفتكروا ان الموضوع اسباب. احسن تفتكروا ان الموضوع فرق - 00:33:56

ساحة وفرق تسلیح. احسن تفتكروا ان الموضوع الموضوع مش كده بس. الموضوع ولقد نصركم الله بدر وانتم اذلة في حرب ثلاثة وسبعين لما كان القادة بيخططوا للحرب فهم قاعدين بيخططوا فيبيقولوا عايزين شعار للجنود عشان يسخنوا عشان نسخنهم في - 00:34:16

وقائد من القوات بيقول عايزين شعار الاذان ادن الله اكبر الله اكبر. قال بس هنخلي الشعار بتاع المعركة الله اكبر الله وياما العالم اتقلب وقال لك الهمجية رجعت من جديد. والتلوحش رجع من جريمة. كم بقى جندي مصرى في صحراء سيناء قاعدين يقولوا الله اكبر - 00:34:36

مئات الناس بالميكروفونات وقفوا على الخط اللي ورا كلهم قاعدين وزيفthem في المعركة يقولوا بس الله اكبر. فالجيش طول ما هو ماشي في الصحراء قاعد يسمع تكبير على فدى سيناء كلها. فكان موقف رهيب وكان موقف مهيب. والعالم كله اتفزع من صيحة التكبير. بذاعة الجيش المصري في هزه فالله اكبر - 00:34:56

طب ما قلنا الله اكبر ربنا نصرنا. وخط بالليف اللي قالوا لا يمكن ان ينهار الا بقنبلة نووية ربنا وقعه بالماية بخراطيم الماية. ربنا قادر على كل شيء. جه بعد ما انتصرنا بقى طلعت الجرائد العلمانية علينا. هو انتم قاعدين تقولوا الله اكبر! وقاعدين لا احنا انتصرنا لان بقى لنا ست سنين - 00:35:16

قاعدين نخطط وبقى لنا ست سنين شغالين. وبقى لنا ست سنين في من اول سبعة وستين واحنا ما بنمشي. والكلام ده جه وبطلوا بقى التخلف اللي انتم فيه ده بعدها على طول حصلت التغرة. التغرة لما شارون عمل ثغرة في الجيش المصري حصلت السغرة واتقلبت المعركة بعد انتصار كاسح الى موقف - 00:35:36

نحتاج ان احنا نتفاوض ونتكلم. لما نسبنا الموضوع لقدرة ربنا ربنا نصرنا ورفعنا. اول ما بدأنا نقول احنا خلاص شوفوا انتم بقى شوفوا انتم تقدروا تعمدوا ايه ولقد نصركم الله ببدر وانتم اذلة. لما كنتم مكسورين لله. لما كنتم رافعين ايدكم بتتوسلوا لله ربنا - 00:35:56

ونصركم هتتكبرم خلاص. يبقى اذا ربنا اتكلم الاول عن نصر بدر وذكرنا بنصر بدر. وبعد كده ها ربنا قال يا ايهما الذين امنوا لا تأكلوا الربا يا ايهما الذين امنوا لا تأكلوا الربا. هو احنا دلوقتي يا جماعة تسعين مليون مصرى. كم واحد - 00:36:16
واحد فيينا بياكل ربا نحاول نحسبها كده تسعين مليون مصرى. كم واحد فيينا يا اما بياكل الربا يا اما بينالوا غبار الربا. كم واحد فيينا المرتب بتاعه او المعاش بتاعه ما هو اش ارباح بنوك اصلا. كم واحد فيينا ما بياخدش فواید بنوك وعايش منها وبيصرف اصلا؟ كم واحد فيينا ما هوش حاطط فلوسه في دفتر توفيق - 00:36:36

بفوايد بربا يعني وبيصرف منها اصلا. كم واحد منا يعني انا عايز نحسب بس التسعين مليون واحد كم واحد منهم ما بياكلش ربا؟ كم واحد منهم فلوسه حلال كده حاجة يعني ايه مشفية كده ما فيش فيها ربا. يا ايهما الذين امنوا لا تأكلوا الربا. طب واحنا مالنا بالربا يا رب؟ يا رب احنا بنتكلم - 00:36:58

عن هزيمة احد. احنا يا رب راجعين من احده منهزمين. الله! الايات نازلة عشان تعرفنا الهزيمة دي جت منين ونصلح ازاي؟ يا رب احنا ما لنا نتكلم عن الربا الوقتي ليه ونتكلم عن المعاشي دلوقتي ليه؟ وتفتح الصفحة اللي بعدها. تلاقي الموضوع زاد كمان. والذين اذا فعلوا فاحشة - 00:37:18

ختم او ظلموا انفسهم ذكروا الله فاستغفروا لذنبهم. يا رب احنا ما لنا بالذنب. احنا مهزومين في معركة. نتكلم ان ما كانش على المستوى. نتكلم ان الخطة الحربية ما كانتش مباغة. نتكلم ان آآ القيادة العسكرية مش انما يا رب احنا ما لنا بالذنب الوقتي - 00:37:38

كلمنا عن الزنوب ليه؟ احنا في هزيمة عسكرية دنيوية مادية ارضية. ما بين جيشين بنتكلم عن الزنوب ليه؟ وبعد كده قد خلت من قبلكم سenn فسيراوا في الارض فانظروا كيف كان عاقبة المكذبين. ايات هزيمة احده بدأ تعليقه الريانى عليها. يعني - 00:37:58
للآيات اتكلمت الاول عن نصر بدر وبعد كده اتكلمت عن الربا والفالحه والتوبة من الفاحشة وبعد كده دخلت في هزيمة احد يعني نصر معاصية هزيمة يعني انت بتتفرج على حاجة على المسرح. المنزه نصر. وبعد كده اتفقلت الستارة وجه كلام عن معصية. وبعد كده - 00:38:18

تحت الستارة على هزيمة. يبقى ايه اللي قلب النصر هزيمة؟ يبقى ايه اللي قلب نصر بدر لهزيمة احد؟ كأن ربنا بيقول تشفو الزنوب اللي انتم بتعملوها. شوفوا المعاشي اللي انتم بتعملوها. لما تقلب النصر هزيمة اعرف ان انت السبب. عشان كده اول - 00:38:43
اية فازية احد قد خلت من قبلكم ايه؟ سenn قوانين هو الموضوع بسوا عينيك هو الموضوع لان انت في البطاقة مكتوبين مسلمين يبقى انت اللي لازم تنتصر. الموضوع مش كده. وانت زيك زي العدو بتاعك. بنتك بتلبس نفس اللبس المتبرج اللي بتلبسه -

بنت غير المسلم. وابنك بيقف على ناصية الشارع. يعاكس البنات في نفس الشلة اللي بيقف فيها. جارك اللي مش مسلم. وبتسهر. انت ومراتك اتفرجوا على القنوات اللي بيسهر يترج على غير المسلمين وفي الآخر يا رب انا مزنب في البطاقة انصري. ده كلام فارغ قد خلت من قبلكم سنة - 00:39:23

ربنا بيقول الموضوع مش كده. يبقى اللي يقلب النصر يا زينة هو المعاuchi عشان كده ربنا قال الذين اذا فعلوا فاحشة او ظلموا انفسهم ذكروا الله. عشان كده ربنا قال قبلها الذين ينفقون في النساء والضراء والكافرين الغيظ. قبل ما يقول -

00:39:43

اي مننبي قاتل معه ربيون كثير. لأن اللي مش هيقدر ينتصر في الصلاح مش هيقدر ينتصر في الاصلاح. اللي مش هيقدر ينتصر على نفسه لما بنيجي في آآ ننزل مسلا في آآ منطقة شعبية ولا حاجة فنيجي اخر الدرس كده نبقي يعني - 00:40:03

عايزين نتكلم ان شاء الله اخر الدرس هقول للشباب يا رجاله. مين فيكم عايز يموت على اعتاب المسجد الاقصى. المسجد كله يرفع ايده انا الله اكبر. طب نزل يا حبيبي انت وهو. مين فيكم يا رجاله بقى له شهر بيصل الفجر في جماعة. ها افتح عيني ولا

00:40:23

خليني مغبطها تلاقي اتنين ثلاثة في المسجد كل ده لحد رفع ايده اصلا. رافعين ايديهم. اقول سبحان الله! عايزين نجاهد المركافة والميراس والقنابل واحنا مش عارفين نجاهد البطانية ساعة صلاة الفجر. لو ما قدرتش تنتصر الاول على شهواتك انت لو ما قدرتش -

00:40:43

تنتصر على معصيك انت هتنتصر على امريكا واليهود ان شاء الله ازاي يعني؟ بایه؟ ازاي يا اخوانا؟ يبقى لازم الاول تنتصر في معركة الصلاح عشان نقدر تنتصر في معركة الاصلاح. آآ يعني الوقت خلص عشان كده اخر حاجة نعلق عليها. الخاتمة بتاعة ال عمران لانها خاتمة - 00:41:03

عجيبة جدا. ما هو انا مش عايزين عشان الناس تلحق تقرأ الجزء بقى في غزوة في جلسة الضحى. طيب انا والله نفسي اشرح بس اصل المشكلة ان احنا قدمنا لو انا كملت قدمنا ساعة ونص. فاحنا نايه يعني يعني - 00:41:23

لكن اضاءات اصل القضية يا اخوانا الموضوع كبير والله يا اخوانا. الموضوع كبير كبير جدا جدا. زمان كان الواحد بيقول ايه؟ يقول آآ عايزين نصحب القرآن من اجل آآ نصر الامة. عايزين نطبق القرآن. الواحد اكتشف بعد فترة زمان ان احنا بینا وبين - 00:41:43

قرآن فجوة مهولة. مهولة اصلا. فيه ناس كتير يا اخوانا مش منزلة ويندوز؟ ايه هو القرآن اصلا؟ انت عارفين اول ما بتجيبي كمبيوتر؟ ها آآ الاول ننزل ويندوز عشان تنزل تعريفات. الكمبيوتر يتعرف على الديسك آآ توب الكمبيوتر يتعرف على الكيبورد. الكمبيوتر يتعرف على الماوس. الكمبيوتر يتعرف على الحاجات دي - 00:42:03

كلها لازم الكمبيوتر القرف عشان يقدر يتعامل معها. فلازم الاول انت كمان ينزل لك تعريفات عشان تقدر تتعامل مع الحياة. لازم تتعرف ايه هو القرآن ما هو القرآن؟ لازم تعرف ما هي المعصية، لازم الاول ينزل لنا تعريفات عشان نقدر تتعامل مع الحياة. احنا الوقتي مش بنشرح القرآن. احنا بنزل - 00:42:23

ما هو القرآن؟ نزل ويندوز ان القرآن مش مجرد كتاب الحرف فيهم عشر حسنت. احنا يا اخوانا مش مش بنشرح. يا جماعة انا يعني الواحد ياما بيجي يكلم مسلا بعض الناس عايزين نخرج منه دعوة من القرآن يقول والقرآن ماله بانه يخرج منه ما لك دعوة يا ابني انت ما انتاش فاهم اصلا ايه - 00:42:43

ده انت محتاج نقدر الاول نعرف ما هو القرآن. ما قيمة القرآن؟ ما وظيفة القرآن؟ نعيد العلاقة اللي قامت بين الصحابة وبين القرآن عشان نقدر ان احنا نصحب القرآن من اجل النصر. انما ده هنصحى بمن؟ هو انت فين والقرآن فين اصلا - 00:43:03

بيجي بعد كده الخاتمة بتاعة ال عمران ان في خلق السماوات والارض واختلاف الليل والنهار لاليات لاولي الالباب الذين يذكرون الله قياما وقعودا وعلى جنوبهم. ويتفكرن في خلق السماوات والارض. ربنا ما خلقت هذا باطلا - 00:43:23

بل سبحانك فقنا عذاب النار. تخيلوا الجلسة التربوية اللي النبي عليه الصلاة والسلام بيديها للصحابة بعد هزيمة احد عن التدبر في الخلق في الخلق ايه! هو يا جماعة احنا هندروش! هندروش مين! يا ابني انت لو ما اتشحتش باليقين - 00:43:43
مش هتقدر تواصل الشاب اللي بيدخل على النت على موقع الحادي. يقوم واحد مدي له شبهة كلام فارغ. كلام نكت. والله العظيم كلام نكت يعني يوضحك والثاني يقعد مرعوب وهو بيقول له ايه والكلام الشبهات اللي بيقولوها. وعايزين حد يرد عليها. يا ابني انت لو - 00:44:03

عارف من هو الله ما حدش هيشك فيه. انت لو مرتبط بجال الله في الكون ما حدش. قال تعالى قالت له فصو لهم افي الله شك؟ عدم الارتباط بالتدبر في الخلق خسرنا كتير جدا جدا. لانه نسى الناس قدرة ربنا. نسى - 00:44:26
جال ربنا سبحانه وتعالي الارتباط ربنا خلق لك في السماوات والارض دي معرض اربعة وعشرين ساعة شاشات عرض جباره عملاقة في السما والارض بتعرض لك مشاهد قدرة ربنا وعظمة ربنا. الله واحد يقول لك آآ واحد بيجي ملحد - 00:44:46
خايف طب يا ابني طب المال اللي جسم الانسان ده ا تكون ازاي ؟ يقول لك صدفة. يعني مش يعني والله ما انت ايدك بتتكلك يعني عايز تدي له الـ صدفة. يعني انا لو جبت قرد وحطيته على الله كاتبة هيطلع لي المعادلة بتاعة القبلة النووية صدفة. ولا هيطلع لي قصيدة من الشعر الجاهلي - 00:45:06

صدفة ولا هيطلع لي قانون النسبية للينشتاين صدفة! يعني ايه صدفة يا ابني! انت يا ابني انتم يا ابني بخاخ! يعني تروح برج ايفل كده تبص! ايه البرج كل ده ده من عجائب الدنيا السبعة. ده ا تكون ازاي ؟ يقول لك بسيطة. كان زمان فيه جبل حديد هنا فحصل آآ زلزال قام الحديد متفجر - 00:45:26

مكون برج ايفل فيه واحد مجنون يستوعب الكلام ده ؟ هو الكون ده ا تكون ازاي يا اخوانا ؟ هو العشرين مليون نوع كائن حي اللي على وجه الارض دول ا تكونوا ازاي يا جماعة - 00:45:46
هو يا اخوانا الـ الف مليار خلية اللي في جسمك اترتبوا وكونوا اعضاء جسمك دول ازاي ؟ وكل خلية فيها مليون جزيء بيكون الخلية ديت ازاي المعجزات دي ا تكونت اصلا؟ الكيلو ومتين جرام اللي جوة جمجمتك دول اللي بيتحكموا في حياتك من اولها لآخرها - 00:45:56

دول آآ مراكز المخ وخربيطة المخ دي ا تكونت ازاي ؟ الجينات المعجزات بتاعة الجينات ها اللي اللي بتكون ثلاثة مليار مادة كيميائية جوة جسمك. ثلاثة مليار مادة كيميائية ا تكونوا ازاي ؟ اتعلموا ازاي ؟ المنزومة المهولة بتاعة جسمك وبتاعة الكون - 00:46:16
وبتاعة العشرين مليون نوع كائن حي اللي في الدنيا زي الخمسة وتلاتين مليون غدة هضمية اللي جوة معدتك اللي لواهم حته اللحمة محتاجة خمسين سنة عشان اتهضم من غيرهم وبهم في ست ساعات ولا في اربع ساعات. الاكل بيتهضم وبيخلص. ا تكونوا ازاي ؟ خمستاشر مليون جهاز تكييف. غدة عراقية على جلدك - 00:46:36

من برة مين اللي كونهم لك ؟ ملابسين الفلاتر الترشيحية جوة كلاتك مين اللي حطها لك ؟ مين اللي عمل لك الاعجاز اللي انت عايش فيه ده مين اللي عمل لك المعجزات ؟ الاتنين ونص مليون كرة دم حمرا اللي نخاع العضم بيضخهم في دمك كل سانية. مين اللي كونهم ؟ مين اللي كونهم - 00:46:56

ام مين اللي اداك كل ده ومين اللي عمل لك كل ده بيجي بعد كده يقول لك صدفة يعني ايه صدفة يعني ؟ يعني يعني صدفة ازاي ؟ يعني ده انت لو بتعامل مع واحد - 00:47:16

المجنون مش هيقول كده. يبقى ازا يا اخواني في الله خسورنا كتير قوي بسبب عدم التدبر في الخلق. خسورنا كتير عشان كده يعني لما النبي عليه الصلاة والسلام الهم زاد عليه اوبي في عام الحزن. والغم زاد عليه اوبي وابو جهل وابو لهب زودوها اوبي. ربنا رفعه السما. ليه - 00:47:26

عشان يبص على الارض من فوق. انت الوقتي باصص من تحت. فانت شايف اهل الباطل كبار لا اطلع فوق وبص عليهم. تلاقاهم شوية حشرات وتلاقي الكرة الارضية دي من اولها لآخرها زرة تراب تائهة وسط الكون المهوول اللي كله ملائكة بتسبح ربنا. اطلع شف الملك

بقى اللي ما بين - 00:47:46

شحمة اذنه وعاتق كتفه مسيرة خمسينية سنة. اطلع بقى شف الملك اللي رقصه تحت العرش ورجله مرقت في الارض. اطلع شف الملايكة الاكبر من المجرات واقبر بالسموات. اطلع شف ابواب السماوات اللي مهيمنة على كل شيء ومحيطة بحركة كل شيء -

00:48:06

اطلع بقى بصر على اهل الباطل من فوق عشان تعرف حقيقته. يبقى هو ده اللي حصل في اخر ال عمران. انتم راجعين زعلانين. وشاييفين ان المشركين انتصروا طب اطلعوا بقى بوصوا من فوق ما ان في خلق السماوات والارض. زي المراج الحصل للنبي في عام الحزن كده ها السور اتقال عمران عملت مراج في اخرها - 00:48:26

معراج رباني في اخرها. ربنا بقى طلع الصحابة يبصوا على الدنيا من فوق. بوصوا بقى واغسلوا قلوبكم بمشاهد جلال ربنا. واغسلوا قلوبكم بمشيئة حقاره اهل الباطل. بوصوا على المنزه من فوق وانزلوا تاني الارض. كملوا الرسالة بتاعتكم. وكملاوا القضية بتاعتكم. اوعوا تتكسروا - 00:48:46

الحياة نصر وهزيمة. الحياة صحة ومرض. الحياة فقر وغنى. الكلمة اللي ربنا قالها في ال عمران في ايات احد وقت الكلام هي دي الدنيا. ولازم تعرف ان دي الدنيا. ولازم تعرف ان دي الايام. لا على طول هتفضل غنى. ولا على طول هتفضل صحة. ولا على طول هتفضل - 00:49:06

ولا على طول هتفضل هي دي الدنيا. ولازم تقبلها. ولو الدنيا ما بقتش كده ما حدش هيتفكر الجنة. وما حدش هيعلم بالجنة. هي دي الدنيا عشان كده بعد ما القلوب اتفسلت في اخر ال عمران. بالتدبر في خلق الله وبالشجن الایماني. ربنا قال بعدها يا ايها الذين امنوا اصبروا - 00:49:26

وصابروا ورابطوا واتقوا الله لعلكم تفلحون. يا ايها الذين امنوا اصبروا. اصبر احبس نفسك عشان دينك وصابر مش قادر يا رب صابر. استحمل هتسبيب الدين وممرين هيتشيله لو انت سبته. وممرين هيتشيل الدعوة لو - 00:49:46

وانت اتخليت عنها وممرين هيتشيل القضية لو انت بعتها؟ صابروا ورابطوا اصمد اقف حتى لو التمن ان انت موت حتى لو التمن ان انت هتروح كل حاجة في حياتك. رابطه اقف الدين ما يتوصلوش غير على جستك. الدين ما يتعدلش - 00:50:06

غير وانت ميت انما طول ما انت فيك نفس لا يمكن الدين حد يقرب له. واتقوا الله. يعني اوعوا تفتكروا ان الكلام ده آآآ حاجة كويسة اللي يعملها واللي ما يعملهاش خلاص ده فريضة عليك قدام ربنا. ده اللي مش هينصر دينه هيروح جهنم. ده اللي مش هيقف مع دينه هيروح النار - 00:50:26

ده نصرة الاسلام دي فريضة ما هياش قضية آآآ اخلاقيات حلوة اعملها او ما تعملههاش. ده اللي مش هيقف مع دينه ده اللي اللي يقف في مع اصحابه في شلة ويقولوا له الحق خمسة بطجية طلعوا على ابوك فوق. مقطعيته بالسماكين ومشرحينه بالسماكين. يقول لهم طب والله - 00:50:46

انا هعمل ايه بس اصل انا مشغول الوقتي ومع اصحابي وعندنا ماتش يعني في امتحانات ويعني هعمل ايه يعني بقى ده ينفع بقى ابن للراجل اللي بيتعقطع فوق ده اللي دينه بيتعقطع اللي دينه بيتحارب اللي دينه بيتعمل فيه - 00:51:06

اللي بيتحارب به الاسلام الوقتي وهو قاعد شايف مزاجه شايف حياته يبقى ده ينفع بقى منتمي لهزا الدين عشان كده واتقوا الله لا يسعكم انكم تشوفوا دينكم بيتحارب وانتم حياتكم زي ما هي واتقوا الله لعلكم تفلحون. سورة عظيمة سورة مهولة. سورة جليلة قرآن - 00:51:26

يعني يعني اكتر حاجة يعني يمكن ابكت الواحد في العمرة اللي فاتت وانا بقرأ ايات كده في سورة الطلاق في سورة في ايات الطلاق في سورة البقرة وحاسس ان الايات مهولة مش قادر يا اخوانا. يا جماعة ايه الحكمة دي! ايه العزمه دي! ايه الدين ده! ايه - 00:51:46

فين المهول ده وفي الآخر وقفت في وسط الطواف؟ اقول له يا رب لمين ده يا رب؟ لمين يا رب الايات دي يا رب؟ لاهل الالتزام

عايزين يفهموها ولا اهل الدنيا عايزين يقبلوها ويطبقوها. الكلام العالي قوي ده الامة امتى هتقبله؟ المعاني العالية اوی - 00:52:06
دي الامة امتى هتتعرف ان دي خريطة النجاة بتاعتها. امتى الامة هتقصرا جهدها على انها تتلقى من القرآن وتفهم القرآن وتتفز القرآن وتطبق القرآن فيفتح الله لها العالم كما فتحه لاصحاب النبي محمد صلی الله علیه وسلم. عايزين النهاردة بقى يا اخواني الجزء الرابع - 00:52:26

اه ده اه اللي وقفنا مع بعض اياته يعني نقرأه بازن الله اللي يقدر يقرأه الوقتي بقى اللي يقدر يقرأه. لما يروح اللي عايز بعد العصر يقعد بقى يقرأه بالراحة كده - 00:52:46
واحدة واحدة واية اية ويرتل كده ونجهزه عشان في صلاة التراويح نشوف ادي احنا سمعنا بعض المعاني فيه وادي احنا اهوت اه
كمان قريناه حضرناه بقلب خاشع نقف في صلاة التراويح نركز بقى معه تخرج من رمضان عايش مع القرآن تخرج من من رمضان
عارف ايه هو القرآن - 00:52:56 - 00:53:36

بازن الله بعد رمضان نرتبط بكتاب الله ونرتبط بالقرآن. اللهم اجعل القرآن العظيم ربيع قلوبنا ونور صدورنا وجلاء احزانا وذهاب
هموم انك ولي ذلك والقادر عليه. سبحانك اللهم وبحمدك اشهد ان لا اله الا انت استغفرك واتوب اليك - 00:53:16 - 00:53:36